



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sylva Cogitationum Sacrarum Pro Cathedra Seu Conceptus Prædicabiles

Ex Præstantissimis Authoribus collecti ; Et In tres Classes divisi

Complectens Dominicas Per Annum

Höger, Franz

Ingolstadij, 1726

VD18 90197089

Benevole Lector.

[urn:nbn:de:hbz:466:1-53055](https://nbn-resolving.org/urn:nbn:de:hbz:466:1-53055)



BENEVOLE LECTOR.

Proverbium est : *Itur in Antiquam Sylvam* ; cum scilicet actum iterum agimus, & relicta assumimus, ea recoquendo. Quid si etiam in Adagium abiret : *Itur in Alienam Sylvam* ? cum videlicet peregrina carpimus, & nostro usui accomodamus, iis velut proprijs utendo. De utroque fortè me convenies in hoc Volumine, Studiose Lector, quod tibi ceu *Sylvam Cogitationum Sacrarum* exhibeo. Plurima in eo, & *Antiqua*, & *Aliena* esse, tantum abest, ut inficias eam, ut etiam fontem, unde pleráque promanarint, palàm indigerem, quin tamen idcirco actum me agere putem, vel falcem mittere in messem alienam.

Qui enim ex alieno horto florem carpit, hortum non aufert, neque injuriam hortulano facit, si novo, cóque proprio studio flosculum colat peregrinum. Qui alterius gladium gestat, non

no.

nocet Domino , si suo Marte & Arte eundem tractet ; gladius alterius est , sed tractatio illius nova. Sit, quòd pomum aliunde capiat , si tamen novis condimentis in cibum novum propinat, arbori non derogat , dum aliter coquit ; pomum peregrinum est , fructus domestici laboris, utrumque gloria Authoris. Quid , quòd etiam Salomon olim augustissimum illud Templum condidit ex iis , quæ à Davide Parente aggesta erant ; Materiâ Davidis, Ordinatione Salomonis existente. Quid , quòd & de Magno Joanne Baptista novimus, ipsum prædicâsse, quod prædicavit Isaias, sicut notavit S Lucas , & non alio sub nomine, nisi *Sermonum* : Prædicans Baptismum Pœnitentiæ in remissionem peccatorum, *sicut scriptum est in Libro Sermonum Isaia Propheta. Luc. 3.* Prætereo, quod sumpsit S. Ambrosius ex S. Basilio ; S. Prosper, & Beda ex S. Augustino ; Theophilactus , & Euthymius ex S. Chryostomo ; uti longa indagine hæc observavit noster Antonius Vieira part. 1. sermonum Dom. Sexa.

Sexages. §. 7. Verbo, nisi vehementer mihi imponat opinio mea, dabunt Architecti Cogitationum Sacrarum libenter granum ingenii sui, ne solum maneat, sed plus fructus afferat etiam in solum peregrinum cadendo, & centuplum laudis ferat suo Authori.

Conscripsi Sacra hæc Themata, quæ labore plurium annorum partim ab Authoribus in Syllabo, ad finem subsequente, citatis, partim ex alijs Scriptoribus, suum Nomen celantibus, deprompsi; subinde etiam aliqua è mea penu; conscripsi, inquam, Sacra hæc Themata, quæ Theses voco, cum in finem, ut hæc præstò sint iis, qui in statuenda thesi Orationis suæ sæpe minùs felices, diu multumque hæsitando in *Inventione* thematum pro Cathedra, & *Divisione* inventorum desudant, sesèque in horas, imò dies, longissimi temporis jacturâ, fatigant, & torquent. Habent hi in hoc exiguo Volumine copiosam Sylvam selectissimarum Cogitationum, sesqui-ferè mille Conceptuum, non sine multorum annorum, uti memini, labore colle-

le-

lectorū; ita ut labor illorū omnis ab *In-
ventionem* in *Electionem* transeat; habent
pretiosam imaginem, quam suis, ut
volent, regulis, vel inauratis, vel affa-
bre à se depictis includant; habent
splendidam Margaritam, quam vel an-
nulo inferere, vel coronæ infigere, vel
artificiosis parergis exornare queant,
suo laboris compendio, nec non Au-
thoris (id quod suadeo) ab ipsis nomina-
ti insigni encomio: allegato, inquam,
Authoris Nomine, ne aurum, in quo la-
borant, è domestica aurifodina erutum
jactare, & telam pretiosam, quam Phry-
gio opere exornant, è sua textrina de-
promptam venditare, verbò, in alieno
solo, velut proprio, ædificare velle vi-
deantur.

His præmonitis unum restat, ut præ-
stem offensionem fortè aliquam, oriun-
dam ex inæquali stylo, & diversitate ca-
lami: verum id est, sed etiam necessa-
rium, ubi è diversis fontibus aquæ de-
rivantur, concolorem fluxum esse haud
posse. Judicavi ego certè, à fonte ipso.
rum verborum, quibus ipsimet Autho-
res

res sua sensa profuderunt, recedendum
mihi neququam esse, cum illis virtus a-
liqua singularis à calamo insit. Sicut
ergo diversis in libris ea inveni, ita na-
tivism eiscursum permisi, & solùm o-
peram meam in vertendis peregrini
subinde idiomatis sententijs contuli.
Atque hæc sunt, quorum te, Benevole
Lector, conscium esse volui; utere
proin, si placet, meo in colligenda hac
Cogitationum Sylva labore, tuumque
junge in exornanda, Marte proprio,
Thesi, quam elegeris, mihi que
apud DEUM bene pre-
care. Vale.

